




輯一

吟花草

楊子潤の台文小品詩
小可仔歌圖二下




毋通越頭看

毋通越頭看
人生行過的路誠長
花蕊曾經開甲甲遮爾紅遮爾嬌
掩蓋天頂路過的白雲

毋通越頭看
花落的啼哭若雨聲
一陣一陣哭袂煞
聲音太感傷，毋敢聽

毋通越頭看
面頭前的路猶閣足長呢
木棉用花落應聲
飄零隨風

人生的路是單行道
一路上有燦爛風華
亦有落葉落花
終站佇花落的盡頭



20220411 / 人間福報副刊


不要回頭看

不要回頭看
走過的路，花落更急湍
飄零的聲音太洶湧
不堪聽聞

前方的路還很長嗎
綻開的木棉以落英回答
人生的路是單行道
終站在落花的盡頭

輯一：
吟花草

003



20211025／中華日報副刊

風颯回南


風颯閃過島嶼
沿著海峽的西月北上
不時幹彎轉捩；回頭看
若親像足濟波烏色的海湧
攏總匯集鬥做伙，佔領
所有的海面佢天頂
雄雄倚起來閣摔落去
雷公聲拍破空氣
爍爍拆開烏雲
大雨若天頂破空倒落來
人像狗蟻、汽車若尪仔物
街路變溪流；空氣中
含著不安佢沉重的情緒

人心浮浮沉沉……

小
可
仔
歇
睏
一
下

台
文
小
品
詩

004



20210621 / 人間福報副刊

雲海

彼，是海，無岸無邊
瘠狗湧一湧閣一湧
盤過天頂，雄雄、重重摔落來
噴起滿天記持的海浪

淹過山嶺；勻勻仔、寬寬仔
掩炭你的眼耳鼻口心恰意識
將一切收藏佇遠行鷓鴣的翹股尾
海面上，只睹一座島嶼

島嶼頂懸的大樹跤有一間草厝
門無關；你會使入去坐，茶葉
恰茶碗攢齊全，你家已沖一泡茶
啉完，毋免等阮，可以離開

輯一：
吟花草

005



20210816 / 人間福報副刊

塗跣滿地鈴仔聲

——疫情之外的阿勃勃


小暑之後，風中攏是鈴仔聲
金黃色的鈴仔聲佇樹頂颯颯飛
日頭遐爾仔艷麗，風微微仔吹
鈴仔聲一蕊一蕊跋落塗跣

一間竹管仔厝恬恬倚佇遐
一頂瓜笠仔一領棕蓑雨幔掛佇壁
疫情了後，無人行跣到；只賸
滿地的鈴仔聲佮樹頂的家己對看

小
可
仔
歇
睏
一
下

台
文
小
品
詩

006



20210611 / 人間幅報副刊

山水

——雨後日月潭

若像一幅畫
一幅國畫山水圖

用深藍染成山
上深色是樹林，炭甲規山坪
山勢愈行愈遠，色水愈泔
濛霧重重疊疊；每一重
攏是山，每一疊就是霧
人生起起落落

潭水是鏡，山嶺行來水岸
照鏡；鳥隻飛過水面
風過揣無影跡；只賸山脈
淺藍色的倒影，隨水波
浮浮沉沉；雄雄看無
是真抑是假

畫面上有一个小黑點
彼は阮恰阮的船……

輯一：
吟花草

007



20220521

反花語〈三聯作〉

紅色長春花

日日開日日紅日日長春
規年只贖四季春
遷徙到佢位，遐攞是春

生命中，毋捌開過日日春

紫色幸運草

第一瓣充滿向望、第二瓣
予人上大的信心、第三瓣
愛情花爲你而開、第四瓣

是幸運；我揣足久，只有三瓣

小
可
仔
歇
睏
一
下

台
文
小
品
詩


008



金色仙丹花

用一世人的時間，糝一寡日光
一簇簇仙丹花，開甲規城攏燦爛
開甲四季如春、開甲心花蕊蕊開

……神仙難救無命客



20220509

蘋婆花<二首>

無緣·蘋婆花之一

——蘋婆花語：「繁花似錦百年如是歲月無聲。」

開闔千百蕊目矚
金金看；只是爲了
閣再看你的背影


歲月上無情
帶走你所有的記持
你若像已經袂記得誓言
一擺又一擺，翹過阮的期待
未發覺阮的存在

按前世到今生
或者來世；阮已經倚佇遮三生
瞪開阮所有心碎的鳳眼
無神的目矚揣無你的身影
規樹的繁花恰等候
落甲規塗跤

小
可
仔
歇
暍
一
下

台
文
小
品
詩

010




隨緣·蘋婆花之二

你從來毋捌注意著阮
佇你轉去厝小山路轉斡的所在
阮已經倚佇遐足久，歲月
無聲無說；按前世到今生

欲用規欖樹的花吸引你的注目
你總是毋知影阮的心肝
每一蕊花攏因爲你傷心而破空
一切隨緣吧！或者是無緣

每一蕊鳳眼猶閣咧向望……

註：蘋婆花開，結紅色膏莢果，稱鳳眼果，可食味似栗子。



20220503

花意 <三首>

嘉蘭花

若像厝邊的查某囡仔
空氣中充滿青春的氣味
一越頭，春天攏失色
面模仔比春風較清秀迷人

伊咧跳芭蕾
躡起跤尾轉捩
跳一齣胡桃鉗
多彩的蓬裙隨風飛舞
連春天看著
規身軀強強欲酥去


含笑花

一笑我戇
二笑我控
三笑我崁頭崁面毋知死
一生只爲你一个人芳

小
可
仔
歇
睏
一
下

台
文
小
品
詩

012




規欖樹同齊開
含笑花含笑等候
等候你會得看阮一面

早起時開，暗時仔謝，
足矣

七里香（月橋）

前世的約定無變
用花芳做再會的憑據
每一日，佇月娘欲出來的時
阮攏打扮甲嬌嬌嬌
等候阮熟似的跛步聲

七里外
你會使循著花芳確認是阮
阮已等候你三生……



20220502

留白 <台文現代絕句四首>

藍花楹

優美文雅的姿色
以幼秀的紫來寫真；將過去
留白；頂冬的花芳猶在
花魂猶未安葬


寒梅

一蕊寒梅，是早開
抑是春末最後的一蕊？
伶花對換眼神；留白的所在
留予花芳伶山霧

小
可
仔
歇
暱
一
下

台
文
小
品
詩

014



島嶼

流浪的雲是海洋的大湧
淹過四百年歷史的跫步
留白之外，有一座島嶼
等候天光……

枯枝

種佇一幅畫內底
幾筆枯枝，飄撇寫人生
賭的留白攏讓予天頂流浪的雲
彼是我一生的向望……



20220425

花魂 <台文現代絕句五首>

花旗木

請你詳細看

佇我猶未謝以前，毋免講

再會；恬恬讀我：一瓣一瓣

全部隨風，落塗

藍雪花

若親像厝邊的查某囡仔

穿一領淺藍色的洋裝

等候經過窗外緣投的查埔囡仔

等甲暝暗花謝

小
可
仔
歇
暱
一
下

台
文
小
品
詩

016



芳水蓮花

妝甲嬌嬌嬌
按熱天等到秋寒
兩隻豆娘仔佇面前約會
攏無管待伊的心情

鹽酸仔草花（酢漿草）

開佇荒郊野外抑是
山坡地樹仔跤
伊妝扮毋是為著別人
只為家己開家己嬌




含淚的櫻花

春，已經遲矣
慢開的櫻花有誠濟的心事
雲，替伊毋甘流目屎
櫻，目箍含珠淚，滴胸前

小
可
仔
歇
睏
一
下

台
文
小
品
詩

018



20210925

人生樹<台文現代絕句四首> ——台灣樂樹剪影

出世

出世是為著離開
搬一齣人生的戲
滿樹金黃色的日頭光
燦爛四色樹的一生

花開

花開青春，青春上濟色水
紅黃綠甲天頂的青插雜作伙
是一幅圖，人生的燦爛佻輝煌
今仔日，地球為你轉捩

輯一：
吟花草

019



生命

生命是一欖樹，四色樹
開予滿開予滇開予伊滿樹枝
若親像人的一生嬌一擺
迎接落塗時，無怨感

落塗

秋風起，冬天誠近
風聲唱孤單，滲入心肝
秋蟬仔的歌聲已經遙遠
恬恬看家己，落塗花謝

註：欖樹俗稱四色樹。



油麻菜籽〈二首〉

油麻菜籽花開 20220210

這是宿命，也是輪迴：

油麻菜籽花開規田園
亦開了規个冬天
攏是濟濟細粒的日頭花

彌補破碎的天頂佢
四界流浪的北風
予大地溫暖佢安慰

過年了後立春
鐵牛仔會開始僥塗
軋碎油麻菜籽花



蜂仔佢蝶仔揣無花蕊
佇空中颺颺飛，毋甘離開
展翅的聲若親像佇咧啼哭

這是死亡；亦是生的開始……

油麻菜籽 20220107

小雪之後，立春之前
用上燦爛的笑容迎接世界
宛如千萬蕊的日頭花
栽種千萬穰的向望佢收成

油麻菜籽命，莫怨感
花開規田地，綴北風
菜籽四界飛；落塗時
誰人相看顧？隨在天

新正年頭後，鐵牛仔駛入田



掀土曝日，將油麻菜全部軋碎
等候年底、等待輪迴
聽候油麻菜籽又閣笑容開花



20220129

花事〈二首〉

繁華

——煙火花

煙火花開，可比沖天炮開煙花
烏暗的昨暝開出下暗的繁華
生命像煙火亦若親像煙花；煙花
散盡了後，只賸規塗跣的落花

窗簾

——炮仔花

炮仔花開，規欖樹的炮仔聲
開佇細漢時陣的籬笆邊
是誰把窗簾頷低？毋敢聽炮仔聲
抑是欲掩崁北風淒涼的尾聲？

小
可
仔
歇
睏
一
下

台
文
小
品
詩

024



20220311

蜂伶杜鵑

更已深，風淡薄仔醉
敢是茶沖了傷考*
或者月色清涼如水
原來是鄉愁多作弄

蜂，帶來故鄉的消息
透明的翅戲弄花心
杜鵑啼，紅了滿山崙
轉幹處，春總是添憂愁
啼聲不止，淚亦不止

杜鵑花伸出花蕊，打探
空氣中的思鄉有多深……

* 傷考=太濃



20210619

燈仔花

透早，雞猶未啼
燈仔花倚佇籬笆跤
點電火叫日頭起床


燈仔花是細漢時陣開的花
嘛是歲月流失中上深的記持
查某囡仔挽來插鬢角
枵鬼的查埔囡仔無錢買四秀仔
偷挽未開的燈仔花來軟花蜜

規下晡，糖廠的農場上好耍
甘蔗園響亮蟬仔高音的歌聲
青色的蟬仔細隻若土豆
紅田嬰佇小橋仔頭颯颯飛
比落山的日頭閣較紅

小
可
仔
歇
睏
一
下


台
文
小
品
詩

026



「阿狗～～～轉來食暗頓！」
阿母又閣佇巷仔口大聲喝
燈仔花關電火，佢阮講：
「天暗囉，要轉來厝揣恁阿母！」

才發覺家己已經頭毛喙鬚白……



210220524

綴風去旅行

——黃金風鈴木

綴風去旅行

日頭搖著金黃色的鈴仔聲
滿天攏是回憶，波浪聲
一波接一波

綴風去旅行

細漢時陣紅色的小火車
若娘子吐絲，盤山
過嶺；田野佾農村
駛向金色的陽光
夢想的莊園

風起了


鈴仔聲又閣咧曉矣
叫我趕緊上車。我的童年
綴著小火車上山
鈴仔聲飄揚規山坪
從此毋捌轉來過……

小
可
仔
歇
睏
一
下

台
文
小
品
詩

028

註：娘子，蠶的台語稱呼。




土樣仔

按早起看甲下晡
對清明等甲歇熱
自樣仔青變在穰黃
喙瀾水滴甲規塗跤

猴囡仔擲竹篙敲樣仔
細漢囡仔佇塗跤祛
阮爬去樹仔頂挽
一直挽到日頭落黃昏

阮阿母佇巷仔口大聲喝
叫阮轉去食暗頓
兩個橐袋仔攏是土樣仔
猶有阿母熟似的記持

（土樣仔樹比以前閣較老矣
樣仔落甲規塗跤
無聽著阿母叫阮的聲……）



20200128

土菝仔花（土芭樂花）

籬笆內，阿母飼誠濟雞
透早天袂光，雞公咯咯雞
叫日頭起床、叫燈仔花開花
叫阮去學校讀冊

籬笆邊，土菝仔開花
每一蕊花攏是一粒紅心菝仔
透早時看、黃昏時看，看伊
一暝大一寸；看伊想佢流喙瀾


土菝仔皮黃了、心軟了
一喙咬半粒，規喙
攏是菝仔芳；另外半粒
紅肉裡底攏是半隻蟲

土菝仔花開佇厝邊人兜
細粒菝仔跋落規土跤
啊！彼是阮囡仔時陣
賭落來的記持

小
可
仔
歇
睏
一
下

台
文
小
品
詩

030



20220504

白色吊鐘花

佇時間轉幹的所在
種一穠白色的吊鐘花
規樹白色的鈴鐺聲戲弄春風
親像歌曲咧拍拍* (phan-phik=打拍子)

挽一束鈴鐺聲
用青春的歲月包裝
寄予遠方的妳份生份的家己
你有收著無？
凡勢鈴鐺聲已經蕩去

時間的河透流生狂湧
流入大海前，慢慢平靜
一生中有足濟潭
潭水誠深，收藏一寡仔遺憾
或者，靜靜看白雲行過

輯一：
吟花草

031



白色吊鐘花又閣開矣
規儼的鈴鐺聲帶來消息
佇時間終點的頭前
原來是一首輓歌

註：日本吊鐘花寓意著帶來幸福，平時可以在特定的節日將吊鐘花贈送給喜歡的女孩，表達心中無法言說的感情；也可以給自己贈送吊鐘花，有帶來好運的意思。詩意反用。



20220517

擗雨傘


——姑婆芋

天公哪受氣面烏就欲落雨
雷公咧搵鼓，雨滴土豆大
滴落規土跤，土跤土漚瀾
拍著皮誠痛身軀會澹糊糊
猴死囡仔四界走、四界耍
趕緊挽一葉姑婆芋做雨傘
雨傘傷幼枝，沃佻規身軀
轉去厝阿母予阮食竹筍炒肉絲

註：姑婆芋，又稱海芋、山芋、觀音蓮、天荷等。

輯一：
吟花草

033



20220420

你看袂曉阮的心

——血桐樹開花

剖開胸坎，剝一塊仔
一塊仔過去，血水嘈嘈滴
暴露一粒心，失血白蔥蔥
規身軀堅疔結規毬
化身爲一蕊蕊，花
規身軀攏是花，清氣而雪白

……你看袂曉阮的心咧滴血

註：血桐樹全株都含乳汁，當枝條被斫或折斷時，乳汁就會流出來，經過一段時間的氧化，會變成血紅色，故名血桐。

小
可
仔
歇
暱
一
下

台
文
小
品
詩

034



20160420

青春正當時

——黃梔子花

春風中
你，當青春
足嬌、足芳


身軀白雪雪
風中，絮來
甜味甲芳氣

阮，已經謝
面肉，消瘦
青黃

啊！
黃梔仔花謝的時陣

輯一：
吟花草

035



20220511

請為我閣跳一支舞

——野生文心蘭

請跳一支舞

山風微微，日光新鮮清甜
轉蕩妳的百褶裙，盡心盡情
展伸妳的身心靈恰迷人的身影
腰身柔軟如春水
跳舞的姿勢若柔情的山風
青翠的樹影為妳伴舞

請為我閣跳一支舞


只因為秋遲了
我將盡的寒冬
無倂久

註：文心蘭花語：文心蘭代表「隱藏的愛，無憂的快樂。」文心蘭盛開時，襯以開展的側萼片，宛如穿著長裙伸長雙臂在風中跳舞的女郎，而有「跳舞蘭」別稱；讓人看見她可忘卻一切煩惱！

小
可
仔
歇
睏
一
下

台
文
小
品
詩

036



20220402

一帆風順

——白掌花花語


真正是一帆風順
出帆了後毋捌閣再轉來過
親像鳥隻隨風，飛入
開闊的天頂；恰白雲
同齊迷失了方向

一路來，到底承受了偌濟風雨
經歷過偌濟海浪恰波折
只有帆知影

手掌心的紋路傷複雜
感情線必叉、智慧線
離離落落，生命線誠短

出帆了後，失落佇
茫茫渺渺的人海……

註：白掌花的花語：一帆風順。白掌花酷似手掌，故名白掌花，又名白鶴芋。



20180430

野花弄蝶仔

小雛菊野生
野生佇荒郊野外
毋管歲月交換
管待伊季節多變化
只有山風霧霧來陪伴


無人管無人插無人要緊
家己清彩開隨意開歡喜開花就好
啥物時陣謝？據在天；
人生海海，海湧起起落落
莫想傷濟！

一隻蝶仔迷失佇三度空間
迴過四維空間來揣阮
時間已經無意義，歡喜
相逢，一目nih就是永遠
何必一定愛運行佇主流的軌道上

小
可
仔
歇
睏
一
下

台
文
小
品
詩

038



我的詩，開佇深山林內
恬恬聽家己開家己謝
東南西北風攏看過
啥人是彼隻蝶仔？
隨緣方便就好！



20220519

想欲飛

——白蝴蝶花花語

北風軋過大地的胸坎
大寒後，歲月破碎
春未立，遷徙佇遠方
袂紮來天頂雲的消息

一隻斷翅的白蝴蝶
剪黏佇垂落的樹枝頂頭
想欲逃脫宿命的聲音
起落佇月色中；明仔早起
滿樹攏是拍翅股欲飛的白蝴蝶

小
可
仔
歇
暉
一
下

台
文
小
品
詩

040



20170417

左手芳（到手芳）

左手芳
花開誠芳
無人知無人睬

正手芳？
無花無芳
心碎落佇塗跣

親像老厝
樑崩去
瓦破碎

人生來去
兩手空空

輯一：
吟花草

041



20220418

花開了又謝


紅甲規山嶺
豔甲心狂火著
春天毋知走兜覘
敢是走佇時間的頭前？
抑是迷失佇世事紅塵？

歲月，一點一滴流失
紅顏，漸漸倚黃；青春
無意中一瓣一瓣蔞去
無奈春風無情
花謝，落塗

小
可
仔
歇
睏
一
下

台
文
小
品
詩

042



20220408

花蕊伶化石


覘佇花開了後
覘佇密密的樹葉之間
有時陣滲落一絲仔日頭光
聽鳥仔唱歌

共歲月偷偷揜佇石頭內
予時間不再流轉
會使看見大海掀起海湧
有時也會聽著時間的跔步聲

花蕊會開會謝
隨四季變化
化石，嬉嬉嘩嘩
彼是曾經的繁華

輯一：
吟花草

043



20210611

大圓滿

——腐爛的蓮葉


大圓滿，自絕對的敗壞中形成
風，誠輕；靈魂，誠沉重
蓮葉腐爛，恬恬倚佇水面
任風吹、隨日曝
不再幼秀：輕聲細說

蓮花，一瓣一瓣凋謝
青春，綴時間的河浮浮沉沉
花瓣伶蓮葉，風吹落水成土
供養蓮花結蓮蓬、生蓮子；原來
生滅是宿命是輪迴也是大圓滿

小
可
仔
歇
暉
一
下

台
文
小
品
詩

044



20220507

人生淡薄


——珊瑚藤花語

用幼秀的手旋藤
招呼過路的白雲
時間的河因此停止流動
俗貓全款，跔跔跔手
垂落一蜷胭脂紅；春天
就閣較燦爛矣

生命無語，亦是無常
一目 nih，已經
行過人生倥傯的風雨
風華之必要、腐敗之必然
會使留佇記憶陰暗的所在
人生淡薄爾爾

輯一：
吟花草

045



20210620

黃金急雨

——落雨了後的阿勃勃

風，掠狂；雨，若水庫崩去
滿天的鈴仔聲，綴風四界飛
重重墜落塗跣，沿路攏是哀怨聲
行向看無未來的未來


昨日日頭焰天色清
阿勃勃吊著一葩一葩金色的
鈴仔花，花蕊文文仔笑
風一吹，叮叮咚咚，親像
一大堆查某囡仔青春的笑聲

歲月多變化，青春易謝
昨日的風華；一目睨
只賭今仔日的落花

小
可
仔
歇
暉
一
下

台
文
小
品
詩

046



20210716

熱情恰活力 ——二尖山坡的昭和草

野地荒郊，山坡溪邊
抑是流動霧霧的山頂
攏會得看到我的身影

山風佇咧吹一波一波
鳥聲唱山歌一湧一湧
山風鳥聲，合唱山歌


戴紅帽子伴舞就是我
充滿熱情規身軀活力
舞到無法無天滿山坪

時間若到，會換新妝
一蕊一蕊白色膨紗衫
隨風飛任吾行袂驚惶

註：昭和草花語：「熱情活力之花」。平常花朵低垂、花授粉時，抬頭類似頭戴紅帽；果實成熟時，像一團棉絮，隨風吹，落地恣肆生長。

輯一：
吟花草

047



20210211

櫻花落雨


立春矣，年將近
無情的雨水直直落
塗跣沃甲澹糊糊
無人看顧

一蕊二蕊三蕊
山風沿途叫醒櫻花魂
滿山櫻花相爭開
每一蕊花攏點胭脂，誠嬌

親像妳的面肉
粉紅色的裙衫
小棧板走入櫻花林
妳是上迷人的彼蕊
青春賭記持
花開一陣花會謝
人生總無永遠紅艷時
櫻花落雨

小
可
仔
歇
睏
一
下
台
文
小
品
詩

048



20220314

厝邊的查某囡仔


——野薔薇花

厝邊的查某囡仔，一目nih

親像薔薇花含笑
攀過了立春，粉紅的面
有一寡仔閉思恰歹勢
朱紅的喙唇文文仔笑
一越頭，身軀的芳味隨風飄過來
青春飛舞佇裙尾；第一遍
約會，心跳足緊面閣紅絳絳

彼是春天在你耳空邊吹風

註：野薔薇很迷你；但丰采依舊、靜好依舊，青春正綻放。



20150519

風真透

——蕾絲金露花

下晡，風真透
街頭巷尾車足濟
歐都邁吭吭叫
天色有小寡仔心悶
心情有一絲仔鬱卒

路邊覘著一欖花
吹風曝日食黑煙
恬恬攏無講啥貨
規欖攏開紫色花
花蕊箍白色的唇

阮要共伊翕相
伊無驚風亂吹
文文仔笑
翕出伊上嬌的
身影；滿天飄
淡薄仔浪漫淡薄仔哀愁的

紫色花芳

小
可
仔
歇
睏
一
下

台
文
小
品
詩

050



20161109

追追追

——美人樹

江山 江山
沒江沒山那有美人
美人攏愛啥人有江山


箍箍 箍箍
那無箍箍就免瘡想
去邊仔納涼兼歇喘

阮嬌 阮嬌
千里江山賭阮上嬌
毋免江山毋免箍箍

追追追追追
阮人閣矮閣肥閣短
你毋來追阮去追你

註：箍箍，\$ 啦！

註：林公柏維寫了一首《美人樹》，引起黃雅悌和了《英雄樹》和沈慶宗古典詩《美人樹》應和。我也寫一首來鬥鬧熱！（來亂的啦！）



20180422

哀怨聲

——紫色百子蓮

你敢有聽到
紫色憂愁的哀怨聲

兩個世界
日頭分黑白
一月陽，一月
陰，阮墜落
黑暗這片面


青色葉
紫色花，花開
像煙花，目一 nih
無根隨謝落塗跤
無暝無日、無怨
無感

你敢有聽到

小可仔歇睏一下

台文小品詩

052



20210705

七里香

——月橘本事

倚佇七里外的小路邊
你每日欲轉去厝的半中途
日黃昏，你敢有鼻著一陣一陣的
清芳？彼是阮思念的氣味

按花開等甲花謝
按花謝等甲花開；你從來
毋捌停留你的跔步來看阮
看阮佇咧等待；你攏總毋知

一年閣一年，歲月若流水
看你自少年看甲年老；日頭
漸漸欲落山，看你的背影行出
阮的視線……阮猶原花開

開佇月光下；思念，沒歇睏

註：七里香又名月橘。

輯一：
吟花草

053

